

絳縣志卷十

奉政大夫同知銜賞戴花翎山西絳州絳縣知縣加五級紀錄十次成都胡 廷撰

山川志第二

記曰兩山之間必有川高卑定位山澤通氣山者宣也川者穿也隆而上者爲山阜窳而下者爲川谷或峙或渟自成經絡禹貢導山有陽列陰列之分一行分野有南戒北戒之異紀山者由幹以及支紀水者因源以及委地志之達例也絳縣在中條之東兩河之間中條西起永濟東迄垣曲絳縣之橫嶺山蓋相屬焉舊通志稱橫嶺關爲中條之要隘縣南諸山冷口清襄華谷教山及偏東之歪頭皆其支脈迤邐通於王屋縣北之絳山

絳縣志

卷十

山川門

一

備窮山亦相聯絡蓋周而於縣西南北三面者皆中條之支也惟正東平衍爲澮水所經在縣中橫亘者爲太陰白馬華池湫池諸山俗名太行雖與縣南教山相距而中間原隰陂陁相屬故縣又謂此數山爲縣中之中條也水分東西二支縣東諸水入澮縣北之絳水亦入澮皆東北流涑源出於南山西流入聞喜涑源有二一出紫峪一出陳村峪二峪相去不遠卽黍葭谷也其出自橫嶺達於冷口入涑者爲洮與澮水背道而馳異源殊流而經緯分明逐條按之與酈尉所書莫不脗合而說者往往自混是豈水之過哉

山



中條自永濟獨頭坡起縣亘二百餘里歷解州各屬爲中幹至絳縣橫嶺關分南北二支其在絳縣東南者爲東幹在北者爲旁支自聞喜盤折於涑水之陽北抵澮水在絳縣北十五里高三里盤踞六里者曰絳山

絳山之名見於開山圖水經注隋書地理志金史地理志明史地理志皆載焉元和郡縣志絳山在曲沃縣南十三里出銅卅太平寰宇記絳山在絳縣西一十八里西入聞喜界東距白馬山方輿紀要紫金山在曲沃縣南十三里產銅山半有泉下注懸崖冬則凝而成冰一名冰崖山開山圖謂之絳山舊通志紫金山在聞喜縣東七十里盤盤山東二十里接

絳縣志

卷十

山川門

二

曲沃界山之西名爲鳳皇原一名絳山有南北西三峯北峯尤高下有沸泉草木不生土色赤案絳山橫跨三縣故元和志謂在曲沃舊通志謂在聞喜其實僅正北一峯在曲沃界正西一峯在聞喜界耳餘皆在絳縣地沸泉所出在東峯漢書地理志注云有鍊官唐書地理志注有鍊卽此地也

自絳山迤東十里在縣東北二十五里者曰備窮山

太平寰宇記備窮山有鍊卅穴五所按此山卽絳山東盡處之一峯以有鍊卅故名

自絳山北折而西而南在縣西南二十里曰焦山

按此山南屬聞喜連三峻山北屬絳縣爲焦山山下居民多



焦姓故名

自焦山迤南在縣東南二十里曰冷口峪

按冷口峪卽水經注之冷口也四時多風其地恆冷故名

自冷口迤東在縣東南二十里曰紫家峪曰清凌山

與紫家峪相連而東在縣東南二十里曰陳村峪

按陳村峪卽華谷水經注黍葭谷也宋史地理志絳縣有中

山化厓華山三砦中山化厓當指太陰教山華山當卽指此

明史地理志絳縣東南有陳村峪涑水出焉舊志太陰中條

兩山間帶溪水發源處也

按帶溪卽涑源

在二峪之西南在縣南三十里連聞喜界高三里盤踞五里者

絳縣志

卷十

山川門

三

曰存雲嶺一名鳳皇山

在二峪之東南在縣東南四十五里連垣曲界高一里盤踞五里者曰橫嶺山卽中條東幹分支處也

山胥土石東西跨垣曲縣界名大橫嶺在聞喜東南九十里者小橫嶺也山下有三泉多白石名白石河卽水經注清襄

山又名清野魏書地形志金史地理志之清廉山也清襄卽

清廉轉寫之訛水經注河水下云清水出清廉山之西嶺垣

曲志清水一名亳清河發源橫嶺山下今橫嶺關之東口爲

垣曲官店西口爲絳縣冷口是一水同出一山東南流爲清

水西北流爲洮水也故道元謂清野卽清廉其書爲襄因字



形相似而誤耳

在橫嶺之東縣南五十五里者曰教山

按教山一名効山一名罩山山海經云教山多玉而無石教水出焉金史地理志明史地理志皆載在絳縣下

在教山之東縣東六十里高五里盤踞七里者曰歪頭山與垣曲三錐山相接

自歪頭山而東稍北在縣東北五十里連翼城界者曰續魯峪  
縣亘四五十里隨地異名曰里冊峪曰磨裏峪曰晉峪曰安峪  
曰柏林坡曰洪家山曰裴家嶺與沁水諸山相接

其在涑源之北與焦山相聯絡在縣南十五里者曰筆架山東

絳縣志

卷十

山川門

四

曰湫池山高二里盤踞五里上有湫池龍神祠禱雨輒應

在湫池之東縣東南十五里高五里盤踞十二里者曰太陰山  
太平寰宇記在縣東南十里崖壁峭絕陽景不至因名太陰  
金史地理志明史地理志皆載焉車廂城卽在山北隋書地  
理志絳縣黑山卽此山也

與太陰相連而東在縣東十五里高二里盤踞五里者曰華池  
山

與華池相連而東而南在縣東二十里高五里盤踞十里者曰  
白馬山

此山俗名太行在縣中諸山最爲高峻西北諸山皆其支脈



山半有石洞時有雲出卽水經注魏書地形志之白馬山也  
翼城亦有白馬山白馬川  
紫谷水所出非此山也

白馬之東在縣東三十里者曰沙峪

舊志沙峪壁峯峭絕山岫迴阻僅通馬步

沙峪之南在縣東三十里者曰河王峪河王與安峪相接通翼城沁水諸山

按縣中山凡三條北以絳山爲主南以橫嶺爲主其橫亘縣中者以太陰白馬爲主皆相聯絡惟絳山西至聞喜數十里折而東與焦山相接在絳縣視之若斷實連自焦山或斷或連陂原相屬中間涑水而東者曰湫池迤邐爲太陰白馬至

絳縣志

卷十

山川門

五

教山與諸峪相通按脈尋之全境之山瞭如指掌云

川

絳水發源縣西北十里絳山下村池方廣半畝池底泉隙無算涌而上至沸泉莊又北流半里入曲沃東南二十里之景明村逕青玉峽注爲瀑布與澮水合

按絳水卽沸水太平寰宇記絳水一名沸泉水出絳山東谷

縣志析爲  
二水誤

明史地理志絳縣西北有絳山絳水出焉西流入

涑絳水北流入澮  
志云西入涑非

水經注澮水又西南與絳水合俗謂之白

水非也水出絳山東寒泉奮涌揚波北注懸流奔壑一十許丈青巖如點黛素湍如委練望之極爲奇觀矣其水西北流



注於澮智伯引水灌晉陽曰汾水可以灌平陽絳水可以灌安邑汾水灌平陽容亦有之絳水灌安邑未識所由也說見後

澮水出翼城縣東南澮高山山西流入縣境大交鎮為澮交受近川故郡諸水復流至翼城西逕曲沃受絳水至絳州而達於汾

按元和郡縣志絳州翼城縣澮高山在縣東南二十五里澮

水出焉元豐九域志絳州翼城縣有澮水括地志云在翼城東北當依元和志

作東春秋釋例澮出平陽絳縣西南入汾明史地理志澮水

出翼城烏嶺山舊志作發源大交誤說文澮字水出霍山霍山即澮高非霍太山桂

氏馥說文義證指為霍太山誤西南入汾徐鍇本作水出河西桂氏馥曰河

西當作河東玉篇澮水出平陽絳縣西凡言絳縣者皆指漢絳縣水經注

絳縣志

卷十

山川門

六

澮水出河東絳縣東澮交東高山西南與諸水合謂之澮交

有賀水東出近川西南至澮川入澮又有高泉出東南近川

西北趣澮交又南紫谷水東出白馬山白馬川此白馬山在翼城非絳縣

太行白馬也西逕熒庭城南而西出紫谷與乾河合即教水之枝

川也其水西與田川水合水出東溪西北至澮交入澮又有

女家水出於家谷有范壁水出於壁下並西北流至翼廣城

二水合而西北流至澮交入澮舊志玉龍泉在縣東五十里

東西賀水村合大交鎮澮水即酈注賀水也故郡水出縣東

北四十里故郡莊即南絳郡治方二畝分三渠同流入澮即田川

水也范壁莊在縣東北三十里水泉發源莊境東流入澮即



范壁水也

教水出教山西北流入澮

山海經明史地理志絳縣東南有教山教水出焉卽乾河之源也水經注紫谷與乾河合卽教水之枝川其水與田川水合至澮交入澮太平寰宇記教山在縣南八十五里教水所出流爲乾河紫谷熒庭城在翼城東南十五里城與紫谷相當皆在今翼城北絳縣東故紫谷水經熒庭西出而與乾河合同流入澮非絳縣南之紫家峪也絳縣入澮諸水皆在東境水悉西北流若在西南則古聞喜地矣與涑水西流者迴別酈注河水下教水入垣縣鼓鐘川分二澗一澗西北通聞喜爲乾河卽

絳縣志

卷十

山川門

七

入澮之乾河也所稱聞喜卽絳縣也絳縣西南舊屬聞喜其地長東北屬絳邑其地狹教水西北流入絳縣合澮其地猶古聞喜也田川在絳縣東此云西與田川水合明紫谷在田川之東矣絳縣分原上原下原上地高入澮諸水皆在原下斷無自原下流入原上復折而趨下者新通志以縣南紫家峪爲水經注之紫谷宜其混矣且今紫家峪無水惟青凌山有池僅四畝非經流豈足當紫谷水耶通志亦疑非紫谷水而不察紫谷之在翼

城

涑水出縣南陳村峪至清凌山與洮水合西流入聞喜逕夏縣安邑猗氏臨晉至虞鄉與姚暹渠合流會五姓湖



水經涑水出河東聞喜縣東山黍葭谷絳縣西南漢注云涑

水所出俗謂之華谷趙一清云太平寰宇記校勘云涑水出

黎葭谷俗謂之葦谷水經涑水出黍薛

谷俗謂之華谷今黍作黎薛作葭華作葦未知孰是按校勘

不知何人所作其云水經以黍葭為黍薛今本皆作黍葭與

校勘所見之本異當作黍葭為是又汾水篇長脩縣下注云

汾水又西與華水合水出北山華谷蓋其地相連接北史載

韋孝寬之守玉壁請於華谷及長秋築城及周武帝東伐趙

王招率兵出稽胡刺孝寬為行軍總官圍守華谷以應接之

即是至周陽與洮水合水源東出清野山世人以為清襄山

也其水東逕太嶺下西流出謂之哈口又西合涑水賈逵曰

汾洮二水名司馬彪曰洮水出聞喜縣然則涑水殆亦洮水

之兼稱乎按涑水發源縣東南十五里之陳村峪伏行地

中五里至柳莊復出峪在太陰諸山間即黍葭谷也洮水出

絳縣志

卷十

山川門

八

橫嶺山至冷口與涑水合橫嶺即清襄山冷口即哈口也昔

至周陽始合今則醜渠築堰甫至哈口即合而為一矣此二

水經流犖然新通志顧謂陳村峪之水為乾河引水經注教

水二澗為證又謂聞喜有乾河故溝楊村柳莊之水皆入乾

河陳村峪介紫谷之東紫谷水既絕乾河而北入澮峪水不

應潛越紫谷而西出又引聞喜人李汝寬之說指縣南烟莊

谷為黍葭谷斥諸志以乾河當涑水譏伏流之說為附會立

說甚辯不知水經教水自垣曲南入河一澗東北流入澮與

涑水西入聞喜者各不相蒙聞喜亦無所謂乾河惟東西橫

水之間有渠道稍廣冬夏無水盛夏大雨山泉暴發奔注於



此北流入曲沃境非垣曲教水之乾河也

酈注謂乾河入聞喜蓋指絳縣絳縣

教水所經之地屬古聞喜新通志誤為今聞喜故與涑水相混

紫家峪在陳村峪之西非水

經之紫谷二峪地相連接本為一山山出兩水合而為涑並不潛越而西也烟莊在橫嶺之北並無水源且水經明明言黍葭谷在聞喜東山洮水東出清野山西出哈口而合涑是當云涑水合洮水又當云涑水自北來會矣況絳縣東南只此二水經緯分明新舊縣志均不誤通志妄事疑度謬已絳縣二水東澮西涑分道而馳入澮者教水及田川諸水也入涑者祇洮水耳教水即乾河自垣曲流入絳縣合澮垣曲在

絳縣志

卷十

山川門

九

縣南翼城曲沃在縣東北聞喜在縣西教水在垣曲東故西北流入絳縣合澮與今聞喜無涉也通志誤古聞喜為今聞喜妄指涑源為乾河殆未詳審地望耳蓋乾河在原下地勢低窳涑源在原上地勢高峻豈有自下流上之理哉

按智伯言絳水可以灌安邑汾水可以灌平陽酈道元疑之而不能言其故胡身之閻百詩強為之辭其實當時所謂絳水蓋涑水耳絳水出絳縣絳山北流至曲沃入澮首尾源流不過二三十里無論其距安邑平陽皆在二百里外斷不能灌且其水入澮其細已甚為入汾支流之支流亦斷不能與汾水並稱涑水出絳縣戰國時地屬絳故當時謂涑水為絳



水耳涑水西逕安邑足可灌城與汾水之近在平陽無異知此則何疑乎國策史記皆作汾水可灌安邑絳水可灌平陽說愈難通戴東原反據以改水經注誤之甚矣又春秋左氏昭元年傳臺駘能業其官宣汾洮障大澤以處太原帝用嘉之封於汾川此洮水亦涑水也水經注謂涑洮兼稱而亦不能言其故洮水出絳縣橫嶺山昔至周陽合涑今則出山數里卽合流矣區區細流何所用其宣洩亦何能與汾水並稱以地望準之洮亦涑也涑出絳縣西流逕數縣而會於五姓湖與汾異源殊流大小相埒宣導之功亦同說文無涑字其名最後起雖載在水經後人尙有謂非漢之桑欽作者足知

絳縣志

卷十

山川門

十

古時名洮三家分晉時名絳斷斷然矣

胡三省資治通鑑注水經注曰絳水出絳

縣西南蓋以故絳爲言其水出絳山東西北流而合於澮猶在絳縣界中智伯所謂汾水可以灌安邑或有之絳水可以灌平陽未識所由余謂自春秋之季至於元魏歷年滋多郡縣之離合山川之遷改有不可以一時所睹爲據者史記正義曰韓初都平陽今晉州也括地志曰絳水一名白水今名沸泉源出絳山可接引灌平陽城酈道元父範歷仕三齊少長齊地熟其山川後入關死於道未嘗至河東也此蓋因耳學而致疑括地志成於唐之魏王泰羅致天下一時名儒以作此書其攷據宜詳當取以爲據趙一清曰梅磻所引酈注與今本全相乘迂闊百詩潛邱劄記曰汾水可以灌平陽絳水可以灌安邑此亦何須說余嘗往來於平陽夏縣而悟二語具有妙解蓋汾水并可以灌安邑至絳水則又不待言絳水并可以灌平陽至汾水則又不待言交錯互舉總見水之爲利溥爾然梁書韋叡傳卻是我聞汾水可以灌平陽絳水可以灌安邑不如通鑑所云又按顧景范曰括地志亦因舊文強爲附會汾水可以灌平陽絳水可以灌安邑舊史云汾水可以灌安邑絳水可以灌平陽乃互文耳又云涑水在蒲州東十里有孟盟橋其上流卽絳水自絳縣歷聞喜夏



縣安邑倚氏至臨晉界合姚暹渠而西出又西南注於大河俗名陽安澗水水經注涑水出雷首山縣北與蒲坂分水是也戰國策絳水可以灌安邑以絳水爲涑水蓋合聞喜河北二涑水爲一今觀道元注絳水出絳山下流入澮澮入汾汾入河不與涑水合也

以上皆經流名水入澮者絳水賀水范壁田川諸水及教水

枝川卽乾河源入涑者只洮水耳餘皆山泉僅供漑田無入涑澮

者

逆溝水源出縣東八里王家窑坡下北流入曲沃閭村莊

拔劍泉在縣東四十里晉峪莊

馬跑泉在縣西十里楊村旁有太陰神祠旱不涸潦不溢

聖水泉發源縣西十里楊村疾者飲之輒愈今甘苦異味泉側

絳縣志

卷十

山川門

十一

有聖水寺

太平寰宇記相傳土人楊斛因耕忽有三泉凝然不流汲一

泉二泉輒動亦如苦縣九井汲一井而入井動卽此類也

青凌池在縣東官莊村周圍四畝深二尺久旱不竭冬時滿地皆凍洑有一處圓如月清水瀏亮獨不凝結或以手挹之則合而他處復開一口如故